


# مجموعه آثار آیت الله العظمی


ادبی و سیاسی رساله‌ها اسبوعیه در  
۳۰ نجی سنه



۱۵ شعبان المعظم ۱۳۲۹

پنجشنبه

جزء عدد : ۱۰۸



## سن پارتەلمى .

۲۳ ياخود ۱۴ آغستوس ۱۵۷۰ صباخنده كى

قتال

اختلاف مذاهبك وقت وقت نه فاجع وقايع توليد ايلديكى تاريخ اقوام واديانى  
تبع ايدنلره معلومدر .

ادوار تعصبيه اوروپا اقوامنك هان بر طبيعت ثابته حكمنى آلان غيظ  
مذهبلرى نتيجهسى اوله رق پك چوق قان دوگولمشدر ؛ بونلر ك ا ك مشهورى ۱۵۷۲  
سنهسى آغوستوسنك يكرمى دردينه تصادف ايدن ( سن پارتەلمى ) يورطيسنده  
اجرا ايدىلان قتل عامدر .

فرانسى قىر اللرندن مشهور دردنجى هازى ( ادى دونانت ) L'edit de Nantes  
قرار نامهسى ناميله نشر ايتديكى بياننامهده ، فرانسىده قاتولىق مذهبندن ماعدا  
مذاهب اربابنه واز جمله پروتستانلره مساعدهده بولهرق اوزمانك حكمدارانسه  
حریت مذهبيه حقنده بر مثال امتثال كوسترمك ايسته مشدر .

بو قرار نامه نك حكمنى بر مدت دوام و جريان ايتدكدن صكره حامى ادبيات  
و ادبا اولان و بالخاصه موليرى تحت صحابتنده طوتان اون دردنجى لوفى طرفدن  
فسخ ايدلمشدر ، غريبدركه بو حكمدار بر چوق مزيايتيله برابر نهايت مرتبهده  
متعصب ايدى ، بو جهتله وقتيله سن پارتەلمى قتل عامنه بر رضيه رسميه حكمنده اولان  
بو قرار نامه نك الغاسى ايله بودفعده گروه متعصبين ايله رهبانى ارضا ايتمش اولدى .  
فقط افكار عاميه خيلىجه انديشه القا ايلدى ، چونكه پروتستانلر حقنده ظلم و تعدى

اجراسی عادتاً موجب ممدوحیت افعال دیندارانeden معدود اولاد یغندن. سن بارتلمی  
وقعه سنی تنظیم ایدم جک بر حرکت تعصیبه وقوعندن قورقوبوردی .

سن بارتلمی . وقعه سنک اصلنه کلنجه : فرانسه قراللرندن ایکنجی هانرینک  
زوجہ سی اولان ( قاترین دومدیجی ) فلورانسه خاندانندن مشهور لورانک کریمہ سی  
بر ایٹالیا اوله رق . اوغلی طقوزنجی شارلک زمانندہ نائبہ حکومت و بوصورتله  
پک زیاده حائر نفوذ و قدرت ایدی .

او وقتلرده ایسه اوروپاده ( آسترو لوزی ) دینسلان و بزجه کذابلق ایله  
موصوف اولان منجمک که احکام فروشلقدن عبارتدر ، فوق الغایه حائر فیض  
و اعتبار ایدی .

قاترین دومدیجی ایسه وطنداش و محمدیسی اولان فلورانسلی ( روغ زی بهری )  
Ruggieri نامندہ بر منجمک مسحور حذاقتی اولدیغندن. آنک هر سوزینه اعتماد  
ایدردی . ایشته بو حریف هر نه آرزو ایدرسه آنی اجرام سماویدن برینک  
وضع و دورانی احکامندن اولق اوزره قرائیمیه اجرا ایتدیر یوردی .

روغ زی بهرینک قاترین عنندنه حائر اولدینی اعتماددن استفاده ایتک ایستیان  
رهبان طاقی بوگا کلیتی رشوت و بریدیلر . و قرال ایله نائبہ حکومت اولان والده سنه :  
« فرانسه اوج درت گون قدر مذهب نامنه عظیم و شدید برقان دوکیله جک ،  
و بونده مظفریت مقاتله یه ابتدا ایدن طرفده قاله جق . » سوزینی احکام فلکیه دن  
اولق اوزره سوبیلکی تعلیم و توصیه ایلدیلر . چونکه ( قالوم نیست ) اولان  
پروتستانلرک مقداری فرانسه ده کتدیکجه افزایش بولمقده و قاتولیک کلیسایری  
بوسبیلده دهشتلی بر صورتده بوشالمقده ایدی .

منجمک بو اخباری ۱۵۷۲ سنه سی آغستوسنک یکر میستده واقع اولمشدی .  
قرال ایله والده سی بو خبردن تبیه ایلر یله پروتستانلر علمینده قتل عامی قرار  
و امضا ایلدیلر . و هر طرفه تانارلر چیقارده رق اجر آتہ تعیین میقاتی ناطق امرلر  
کوندردیلر . بو وجهله فرانسه ایالتلرینک جمله سنه اوج گون ظرفنده امر نامه لر  
واصل اولمغله آغستوسنک ۲۴ نجی کونی صباخنده وقوع بولدی که پروتستانلر

( سن پارتلمی ) یورطیسندن طولایی عموماً کلیساده ای دیلر . بو تصادفدن طولایی حادثه ، ( سن پارتلمی قتالی ) نامیله اشتهار بولمشدر . و فرانسه نك هرجهتده تاربخده امثالی گورلمدك برقتال واقع اولمغله ایکی یوزاللی بیك پروتستان قلیچدن کچیرلمشدر .

یالکنز ایالات جنوبیه دن ( والانس ) شهرنده بولنان بر قوماندان ، بواصرنامه نك حکمنه مطلع اولنجه تکلیف واقع وجدانه فوق الغایه گران کلدیکندن ، قراله جواباً یازدیغی مکتوبده : « عسکره مراجعت ایلدم . و تکمیل قره غوللری تفتیشده بولندم . وطن اغورنده جان ویرمه آماده دلاورلر بولدم . معصوم قانی دوکه چك جلادلر بوله مدم . بوسبيله امرکنز بوراچه اجراسنر قاله جقدر . » دیمشدر .

